

Հ Ա Ն Գ Ի Ս Տ
ԱՐԺԱՆԱՊԱՏԻՎ Տ. ՇՄԱՎՈՆ ԱՎԱԳ ՔԱՀԱՆԱ
ԿԱՐԱՔԵՀՅԱՆԻ
(1887—1958)

Օգոստոսի 10-ին, երկարատև և ծանր հիվանդությունից հետո, Տուապսի քաղաքում ի Տեր հանգյալ արժանապատիվ Տ. Շմավոն ավագ քահանա Կարաքեհյանը:

Հանգուցյալը ծնվել էր Կուբանի (Կրասնոդարի երկրամաս) խոյթա գյուղում 1887 թվականին, Թուրքիայից գաղթած գյուղացու ընտանիքում: Սկզբնական կրթությունն ստացել էր տեղի ծխական դպրոցում և ապա վերջացրել Տուապսիի քաղաքային դպրոցը: Որոշ ժամանակ իրենց գյուղի ծխական դպրոցում ուսուցչություն անելուց հետո, 1913 թվականին Պարտիզակում (Նիկոմիդիա) հանրաժանութ Տ. Ստեփանոս արքեպիսկոպոս Հովակիմյանից ձեռնադրվում է քահանա:

Այդ օրվանից սկսած անխոնջ հովվի առաջ գործունեության լայն ասպարեզ է բացվում: Սկզբում նա քահանայագործում է Տուապսիի և Աբխազիայի հայաբնակ շրջաններում, ապա Գագրի, Պելինկովո, Կավալասկայա և Շաֆրոնովո գյուղերում: 1936 թվականին նա տեղափոխվում է Սուխումի և սկսում հովվել տեղի հայությունը մինչև իր մահը:

Այս տարի լրացավ նրա քահանայության 45 տարին: Նա միշտ էլ սիրված է եղել իր սիրելի հավատացյալ հոտից և գնահատվել է Մայր Աթոռ Ս. Էջմիածնի կողմից:

Ի տրիտուր իր երկարամյա բարվոք ու նվիրված աշխատանքի, նա արժանացել է

ծաղկյա փլուրնի և քահանայական լանջախաչի՝ երջանկահիշատակ Տ. Խորեն Ա Մուրադբեկյան կաթողիկոսի կողմից, իսկ 1948 թվականին երջանկահիշատակ Տ. Տ. Գևորգ Զ Կաթողիկոսի կողմից ստացել է ավագ քահանայության պատիվ:

Հանգուցյալը մինչև իր մահը անխոնջ կերպով աշխատում էր և օգտակար էր հանդիսանում իր հոտին և Հայ Եկեղեցուն՝ Սուխումի շրջանի ամենահեռավոր գյուղերն անգամ հասցնելով Մայր Աթոռ Ս. Էջմիածնի ձայնը և «Էջմիածին» ամսագիրը: Նա սիրված էր իր հոտից ըստ ամենայնի և իր մահկանացուն կնքեց իր պարտքը կատարած իր ժողովրդի և Մայրենի Եկեղեցու հանդեպ:

Անձնվեր հովվի օժման և թաղման արարողությունները ըստ արժանվույն կատարելու համար, վրահայոց թեմի առաջնորդ դերաշնորհ Տ. Կոմիտաս եպիսկոպոս Տեր-Ստեփանյանի կարգադրությամբ, Տուապսի էին մեկնել թեմի քահանաներից Տ. Միքայել ավագ քահանա Սամվելյանը և Զարեհ քահանա Բասմաջյանը:

Հանգուցյալը թաղվեց Կրասնոդարի մարզի խոյթա գյուղում, իր իսկ ծննդավայրում, իր պապերի կողքին:

Հավիտենական հանգիստ իր հոգուն:
 «Ցիշատակն արդարոց օրհնութեամբ եղի-
 ցի»:

Հ Ա Ն Գ Ի Ս Տ
ԱՐԺԱՆԱՊԱՏԻՎ Տ. ՀՈՒՍԻԿ ՔԱՀԱՆԱ ՄԻՐՋՈՅԱՆԻ
(1876—1958)

Սեպտեմբերի 8-ին Ախալցխիսում վախճանվեց արժանապատիվ Տ. Հուսիկ քահանա Միրզոյանը, երկարատև և ծանր հիվանդությունից հետո:

Հանգուցյալը ծնվել է 1876 թվականին Վանի շրջանի Կենդանյաց գյուղում և իր կրթությունն ստացել նախ իր ծննդավայրում և ապա Վարազա Ս. Նշան վանքում:

1902 թվականին Վանի Ս. Պողոս-Պետրոս եկեղեցում քահանա է ձեռնադրվել իր գյուղի

ղի վրա և պաշտոնավարել է մինչև 1917 թվականը:

1920—1922 թվականներին քահանայագործել է Լենինականում և ապա Ախալցխիսում՝ մինչև իր մահը:

Հանգուցյալը իր հոտից սիրված և հարգված հովիվ է եղել և նվիրումով ծառայել իր ժողովրդին և եկեղեցուն:

Հավիտենական հանգիստ իր հոգուն:
 «Ցիշատակն արդարոց օրհնութեամբ եղի-
 ցի»: